

31 OCT 2001

Mahathir-Laos

DR MAHATHIR KUNJUNGI PERDANA MENTERI LAOS

KUALA LUMPUR, 31 Okt (Bernama) -- Perdana Menteri Datuk Seri Dr Mahathir Mohamad hari ini mengunjungi rakan sejawatannya dari Laos, Bounnhang Vorachith yang mengakhiri lawatan tiga hari ke Malaysia.

Dr Mahathir dan isteri Datin Seri Dr Siti Hasmah Mohamed Ali berada bersama-sama Bounnhang dan isteri, Khammeung Vorachit selama 15 minit di hotel penginapan mereka.

Yang turut hadir ialah Menteri Luar Datuk Seri Syed Hamid Albar dan menteri pengiring Datuk Peter Chin, yang juga Timbalan Menteri Perumahan dan Kerajaan Tempatan.

Bounnhang berlepas ke Singapura tengah hari ini.

Semasa berada di sini, beliau mengadakan pertemuan dengan Dr Mahathir serta menghadap Timbalan Yang di-Pertuan Agong Sultan Mizan Zainal Abidin.

Pada majlis makan malam meraikan Bounnhang dan delegasinya Isnin lepas, Dr Mahathir menyatakan sokongan Malaysia terhadap Laos yang merupakan negara anggota Asean untuk menyertai Pertubuhan Perdagangan Sedunia (WTO).

Perdana Menteri Laos itu dan delegasinya turut melawat Lembaga Minyak Sawit Malaysia di Bangi, Cyberjaya dan kilang kereta nasional Proton di Shah Alam.

Turut serta dalam delegasi itu Timbalan Perdana Menteri Somsavat Lengsavad yang juga Menteri Luar, serta 10 ahli perniagaan.

-- BERNAMA

MHI AZZ RON